

թարգմանական յօդուածների համար՝ 10 աստիճանի տա-
ռով երեսը 60 կոպ., իսկ 12 աստիճանի՝ 45 կոպ.: 10 ապ-
րիլի. թ. 557:

Դիւանի գրութեամբ յանձնարարուեց Պարսկա-Հընդ-
կաստանի առաջնորդական խորհրդարանին՝ բացատրութիւն
պահանջել խորէն վարդապետից, որ Գիւլթանդ Սարգսբեանի
տանից վերցրել է մի ձեռագիր աւետարան և մինչև օրս
ոչ վերադարձրել է և ոչ էլ յանձնել ս. Ամենափրկիչ վանքի
մատենադարանին: 10 ապրիլ. թ. 560:

ՍԻՆՕԴԻ ՕՐԱԳՐՆԵՐԻՑ ՔԱՂՈՒԱԾՆԵՐ

Սինօդը քննութեան առնելով իւր եղբակացութեան
ուղարկած դեպարտամենտի փետր. 11-ին թ. 1500 գրու-
թիւնը և յարակից թղթերը Ս. Պետերբուրգի և Մոս-
կվայի հայ հոգևորականների ռոճկի առիթով, գտնում է,
որ եկեղեցիների ընդհանուր կառավարութիւնը պատկա-
նում է եկեղեցու խորհրդին (XI հատ. I մ. յօդ. 1237,
հրատ. 1896), որտեղ քննւում ու կազմւում է իւրա-
քանչիւր եկող տարուայ համար նախահաշիւ: Հոգաբար-
ձուն առանձին մասնակցութիւն չունի եկեղեցական գոյքերի
կառավարութեան գործում. նա մասնակցում է միայն որպէս
նախագահ խորհրդի: Եւ առհասարակ Հոգաբարձուն հանդի-
սանում է որպէս խորհրդի ներկայացուցիչ պետ. հաստատու-
թիւնների և այլ անձանց մօտ: Խորհրդի կազմած նախահա-
շիւը կարող է գործադրուել միմիայն թեմակալ Առաջնոր-
դի կողմից հաստատուելուց յետոյ: Եկեղեցական կալուած-
ների և առհասարակ եկեղեցական տնտեսութեան և վար-
չութեան (управл.) հետ կապուած բոլոր գործերը, որոնց
թւում և նախահաշիւը, իրանց վերջնական լուծումն են
ստանում, երբ մշակւում կազմւում են խորհրդի կողմից
և հաստատուում թեմական Առաջնորդից: Առանց այս եր-
կու ինստանցիան անցնելու եկեղեցու տնտեսութեան և
վարչութեան հետ կապուած ոչ մի գործ չէ կարող ծագել

և վախճանական լուծումն ստանալ: Եկեղեցական խորհուրդն կազմում է իւրաքանչիւր տարուայ նախահաշիւը: Այդ նախահաշուի ելքի բաժնում մտնում է նաև Հոգեւոր կառավարութեան, Հոգեւորականների և եկեղեցու ծառայողների պահպանութեան ծախքը, այն չափով, ինչ չափով եղել է մինչև Բարձրագոյն հաստատուած 1883 թ. 18 նոյեմբ. հրատարակած օրէնքը. իսկ եթէ այդ ընդունուած չափից դուրս խորհուրդը նախահաշուի մէջ աւելացնում կամ պակսեցնում է Հոգեւորականութեան պահպանութեան ծախքը՝ պարտաւոր է նախօրօք ստանալ այդ մասին Հոգաբարձուի համաձայնութիւնը, ապա ուղարկել ի հաստատութիւն թեմական Առաջնորդի: Աւրեմն ըստ վերոյիշեալ դատողութեանց Սինօդը եղբակացնում է, որ Հոգեւորականների պահպանութեան ծախքն աւելացնելու կամ պակսացնելու ինչիւրը ծաղում և քննւում է միմիայն եկեղեցական խորհրդում, մտնում է իւրաքանչիւր տարուայ նախահաշուի մէջ միայն խորհրդի կողմից, նախօրօք ստանալով իշխան Հոգաբարձուի համաձայնութիւնը՝ և որից յետոյ ամբողջ նախահաշիւը ուղարկուում է ի հաստատութիւն թեմական Առաջնորդի. իսկ Հոգաբարձուի 1906 թ. կազմած ռոճիկների շտապը հաստատուած Առաջնորդից՝ որպէս նախօրօք քննութեան չենթարկած և չըկազմած եկեղեցական խորհրդում՝ Սինօդը գտնում է, որ այդ ձևի գործողութիւնը հակասում է հիմնական օրէնքի XI հատ 1 մ. հրատ. 1896 յօդ. 1237 և հրահանգի § 1 յօդ. ը կէտի և 60-րդ յօդուածին:

Թ. 171/9 ապրիլի Սինօդը՝ լսելով Ղարաբաղի կոնսիստորեայի փետրուարի 15-ին № 392 յայտարարութիւնը՝ նուխու դաւառի Խանաւադ գիւղի բնակիչ Սերգէյ Եղիազարեանցի և Զանազան Աթանասեանցի չհաս պսակը թոյլ տալու մասին, որոշեց թոյլ տալ վերոյիշեալ խօսեցեալների պսակը վեցերորդ աստիճանի աղգականութեան հանդերձ խորթութեամբ:

Թ. 172/9 ապրիլի Սինօդը՝ լսելով Ղարաբաղի կոն-

սիստորիայի փետրուարի 11-ի № 347 յայտարարութիւնը Ղայարաշ գիւղի բնակիչ Գրիգոր Ղարիբեանցի և Զաւահիր Գրիգորեանցի չհաս պսակը թոյլ տալու մասին, որոշեց՝ թոյլ տալ յիշեալ Ղարիբեանի և Գրիգորեանի պսակը, որը գտնւում է վեցերորդ աստիճան ազգականութեան հանդերձ խորդութեամբ:

Թ. 158 ապրիլի 3. Սինօղը՝ լսելով Աթոռապատկան Մեհրար-Քիւրդ-Քեանդ և Թափարաշ գիւղերի մօտ գտնւող աղչայ հողը և բահրան վարձով տալու գործը՝ որոշեց. թոյլ տալ Երեանի փոխ-թեմակալին տռանց աճուրդի վարձով տալ Աթոռապատկան Մեհրար-Քիւրդ Քեանդ և Թափարաշ գիւղերում գտնւող տասն և մէկ դեսեատին աղչայ հողը 714 ո. 50 կ. հինգ տարի ժամանակով 1913 թուից:

Թ. 159 ապրիլի 3. Սինօղը՝ լսելով Էջմիածնի գաւառի Բիւրական գիւղի եկեղեցական-ծխական դպրոցի Հոգաբարձութեան խնդիրը, որով Հոգաբարձութիւնը խընդրում է իրենց դպրոցին որոշուած Մայր Աթոռի կողմից մի հարիւր ուսւրլի նպաստը այս ուսումնական տարուայ համար յանձնել Հոգաբարձութեանը, որոշեց. պատու իրել Մայր Աթոռի դանձապահին փոխադրել Երեանի փոխ թեմակալի անունով Բիւրականի ծխական դպրոցի 1912/15 ուսումնական տարուայ նպաստը մի հարիւր ուսւրլի՝ յիշեալ դպրոցի Հոգաբարձութեանը հասցնելու համար:

Թ. 162 ապրիլի 3. Սինօղը՝ լսելով Երեանի կոնսիստորիայի այս տարուայ փետրուարի 9-ին № 752 յայտարարութիւնը, որով յայտնում է, թէ վերջին տարիները Էջմիածնի գաւառի Սամաղար գիւղից յաճախ անցնում են Աղէքսանդրապօլի գաւառի վերին և ներքին Ղանլիճա, Աղին, Զիթիհանքով և այլն գիւղերը հայբողոքական քարոզիչներ, որոնք իրենց քարոզներով յիշեալ գիւղերի երիտասարդներից շատերին գլխահան են անում, այդպիսով երկրպագութիւն սերմանում թէ գիւղի և թէ ընտանիքների մէջ, որոշեց. թոյլ տալ Երեանի կոնսիստորիային ուղարկել Աղէքսանդրապօլի քահանաներից մի պատրաստուած անձնաւորութեան Ղանլիճա գիւղի բողոքականու-

Թեան տարածման առաջն առնելու համար, իսկ Աղինի Ձիթիհանքովի համար յիշեալ քարոզի գործը յանձնարարել Ձիթիհանքովի, միանգամայն պատրաստի, հայ քահանային: Բողոքականների և կաթողիկոսների հակաօրինական ընթացքի մասին խնդրել Երեւանի նահանգապետի տնօրէնութիւնը, այդ մասին յայտնելով կաթողիկ և բողոքական հոգեւոր իշխանութիւններին:

Թ. 165 ապրիլ 5. Սինօդը՝ լսելով Էջմիածնի գաւառի Մաստարա գիւղի եկեղեցական-ծխական դպրոցի Հոգաբարձութեան խնդիրը, որով Հոգաբարձութիւնը խնդրել էր տալ իրենց դպրոցի շինութեան համար Մայր Աթոռի կողմից որոշուած 300 ռ. նպաստը, որոշեց. պատուիրել Մայր Աթոռի գանձապահին փոխադրել Երեւանի Տ. Փոխ-Թեմակալի անուանով Մաստարա գիւղի եկեղեցական-ծխական դպրոցի շինութեան համար որոշուած հինգ հարիւր ռուբլուց մնացած 300 ռուբլին:

Թ. 167 ապրիլ 5. Սինօդը՝ լսելով կալուածների կառավարիչ Լ. Տ. Աւետիքեանի յայտարարութունը իշխան Սումբատովի Տփլիսում, Սերերբեաննայա փողոցում, գրտնող խոնութիւն կից վանքապատկան խանութը, փոխելու Թոյլատուութեան մասին, որոշեց. Թոյլ տալ կալուածների կառավարչին Երուսաղէմեան փողոցում գտնուած Էջմիածնապատկան խանութը փոխել Սումբատովին պատկանող խանութի հետ:

Թ. 169 ապրիլ 9. Սինօդը՝ լսելով Կարսի շրջանի ձալա գիւղի ծխականների Վեհափառ Կաթողիկոսի անունով տուած խնդիրը, որով նոքա խնդրում են Տաճկաստանում ձեռնադրուած իրենց համագիւղացի Գէորգ քահանայ Քաղցրիկեանին Թոյլ տալ հովուել իրենց, որոշեց. պատուիրել Երեւանի կոնսիստորեային համարելու Գէորգ քահանայ Քաղցրիկեանին ձալա գիւղի ծխատէր, որովհետեւ յիշեալ քահանան Վեհափառ Կաթողիկոսի հրամանով արդէն նշանակուած է ձալա գիւղի ծխատէր:

Թ. 180 ապրիլ 24 Սինօդը՝ լսելով հառիճի վանքի

Հոգաբարձութեան Նորին Սրբութեան անուանով տրուած խնդիրը, որով Հոգաբարձութիւնը նկարագրելով վանքի և դպրոցի նիւթական սուղ դրութիւնը՝ խնդրում է անպահանջ թողնել Հառիճի վանքի պարտքը, մի հազար ինն հարիւր ռուբլի, որոշեց հանել Հառիճի վանքի պարտքից վանքին հասանելիք ութ հարիւր յիսուն ռուբ. և պահանջել վանքից մնացած պարտքը մի հազար յիսուն ռուբլի, որի համար և յայտնել Հոգաբարձութեանը Երեւանի կոնսիստորիայի միջոցով:

Թ. 182 ապրիլ 26/27 Սինօդը՝ լսելով կալուածների կառավարիչ Լ. Տէր Աւետիքեանի անցեալ տարուայ դեկտեմբերի 10-ի № 217 յայտարարութիւնը Գանձասարի վանքի երկանաքարի հանքը նորից հինգ տարի ժամանակով աճուրդով տալու մասին, որոշեց. ի նկատի ունենալով, որ Սինօդիս յունուարի 28-ի № 190 առաջադրութեան բաւարար պատասխան մինչև այժմ չէ ստացուել Ղարաբաղի թեմի ժամանակաւոր կառավարիչ Զաւէն վարդապետից և պայմանի ժամանակը լրանում է մայիսի 1-ին, զտնելով ձեռնտու և ընդունելի կալուածների կառավարչի առաջարկը, թոյլ տալ վերջինիս առանց աճուրդի տալ Գանձասարի երկանաքարի հանքը Սրբահամբէկ Հասան Զաւլալեանին հինգ տարի ժամանակով, տարեկան մի հազար եօթ հարիւր ռուբլի կապալավարձով և կապել Հասան—Զաւլալեանի հետ համապատասխան նոտարական պայման:

Թ. 185. ապրիլ 26-1 մայիսի. Սինօդը՝ քննելով և որոշ փոփոխութիւններ անելով Մայր Աթոռի հաստատութիւնների, կոնսիստորիաների, Հոգեւոր կառավարութիւնների և վանքերի 1913 թուի նախահաշիւների գործը՝ որոշեց. ներկայացնել Նորին Սրբութեան փոփոխուած նախահաշիւները ի հաստատութիւն և Նորին Սրբութեան հաճութիւնը ստանալուց յետոյ ուղարկել ըստ պատկանելոյն ի ճիշտ գործադրութիւն, առաջադրելով նախահաշուից դուրս և առանց Սինօդի կանխագոյն թոյլտուութեան ոչ մի ծախք չանել:

Թ. 187 ապրիլ 29/50 Սինոդը լսելով նորին Սրբու-
թեան այս տարուայ մարտի 19-ի № 461 կոնդակը, որի
հետ ուղարկելով ներքին գործերի նախարարի նոյն մար-
տի 11-ի № 2487 գրութեան պատճէնը, Բեսսարաբեայի և
Աստրախանի թեմերում փոխանորդներ նշանակելու մասին
որոշեց. ի նկատի ունենալով, որ ներքին Գործոց նախա-
րարից ստացուած է արդէն թոյլատուութիւն նշանակելու
փոխանորդներ Բեսսարաբիայի և Աստրախանի թեմերում,
համարել վերահաստատուած Ղզլարի և նոր նախիջևանի
փոխանորդութեան պաշտօնները և խնդրել Վեհափառ Կա-
թողիկոսին նշանակել յիշեալ փոխանորդութեանց պաշ-
տօնների համար փոխանորդներ:

